

Անասունը՝ եզը, կովը, գոմեշը, ձին ծախելու ժամանակ նրա պոչից, քաշից մի քանի մազ էին պոկում՝ պահում, որպեսզի տան բարաֆւօքը չպակասի: Մա մի որոշ մոզական գործողութիւնն էր, որը բխում էր այն նախնական հասկացողութիւնից, որ «մասը փոխարինում է ամբողջը» և իբր մազը փոխարինում էր ծախած անասունին: Մազը տանը պահելով՝ կարծես պահում էին և անասունին և այն արդունքը, բարաֆւօքը, որը նրանից էր գոյանում տնտեսութեան մեջ: Կարող է լինել և մի այլ բացատրութիւն, որ ծախվող անասունը տան աշխատող անդամներից մեկն էր, ծախվելուց հետո էլ այդ ազգակցական միութիւնից չէր հեռացվում, այլ մնում էր նրա մեջ: Ուստի նրանք կապված ոգին առիթ չպիտի ունենա դժգոհ լինելու և ապագայում վնասելու: Այն, որ անասունը համարվում էր ընտանիքի անդամներից մեկը, պարզ երևում է նրանից, որ նոր տարվա առիթով պատրաստվող կրկէնին բաժանելիս՝ նրա բաժինն էլ էր հանվում և, եթէ նրա բաժին մեջ երևան եկավ հունցելու միջոցին կրկէնու մեջ պահած իրը, նրա բախտը կլինի այդ տարին ամբողջ ընտանիքի բարաֆւօքի նշանը⁵⁷:

Ընտանիքի մեջ երկար աշխատած՝ վաստակ ունեցող եզան, կովի, ձիու սատկելուց հետո նրա գանգը դեն չէին գցում, այլ պահում էին տան առջև մի ձողի ծայրին ցցած կամ տան առջև կախած, այն ենթադրութեամբ, որ նա և մահից հետո էլ շարունակում էր շահագրգռված լինել ընտանիքի բարօրութիւնը, բարաֆւօքը պահելու մեջ և իր վրա գրավելով շար աշք ունեցող մարդու ուշադրութիւնը, պաշտպանում էր ընտանիքը նրա հայացքի վատ հետեւանքներից: Այս կարգի սովորութիւնները նախնական տոտեմիզմի հեռավոր արձագանքներն էին:

Նույնպիսի շատ հին ժամանակներից հասած ժառանգութիւն էր, որ Զանգեզուրում և այլ հայկական գավառներում անասուն մորթելը տղամարդու գործ էր համարվում, նույնիսկ հավ մորթելն անվայել էր համարվում կնոջ համար: Անշուշտ այդ սովորութեան մեջ անդրադառնում էր հասարակական գարգացման այն փուլը, երբ տղամարդը զբաղված էր գրեթէ բացառապես որսորդութեամբ, իսկ հաջորդ պատմական շրջանում՝ անասնապահութեան դարերում, կրկին տղամարդն էր հոտերը պահում և նա էր որպես տրվաբաժը և շօբանը, ընտրում մորթելու կենդանին և ինքը մորթում:

Նույնչափ հին պետք է համարել և այն, որ ոչխար խուզելը հովվի պարտականութիւնն էր: Զանգեզուրում այդ նպատակով գործ էին ածում շատ պրիմիտիվ երկար մկրատ՝ ղըրբխլըղ: Ղըրբխլըղը ներկայացնում է երկու դանակների խաչաձև միացում՝ մեջտեղը հարմարեցրած մի գամիկով, որտեղ նրանք մնում են իրար վրա, թեև հաստատապես իրար վրա չեն ամրացրած, սակայն բաց անելիս իրարից չեն անջատվում:

Ո Ր Ս Ո Ր Դ Ո Ւ Թ Յ Ո Ւ Ն

Մի ժամանակ, երբ Զանգեզուրի բնակչութիւնը դեռ չէր բազմացած, երբ քարձրադիր մարգագետինները սակավ էին այցելվում, իսկ անտառների մեծագույն մասը պահպանում էր իր կուսութիւնն ու գլուղամերձ վայրերում նա դեռ չէր խրմհատված և վարելահողերի վերածված, Զանգեզուրը շատ էր հա-

⁵⁷ Մանրամասնութիւնները տես վարը՝ «Ժողովրդական տոները» հատվածում: